

# CBETA電子佛典集成

---

CBETA Chinese Electronic Tripitaka Collection  
eBook

T20n1125

## 金剛頂瑜伽金剛薩 埵五祕密修行念誦 儀軌

唐 不空譯

# 目次

- [編輯說明](#)
- [章節目次](#)
- [卷目次](#)
  - 001,
- [贊助資訊](#)

## 編輯說明

- 本電子書以「CBETA 電子佛典集成 Version 2023.Q4」為資料來源。
- 漢字呈現以 Unicode 3.0 為基礎，不在此範圍的字則採用組字式表達。
- 梵文悉曇字及蘭札字均採用羅馬轉寫字，如無轉寫字則提供字型圖檔。
- CBETA 對底本所做的修訂用字以紅色字元表示。
- 若有發現任何問題，歡迎來函 [service@cbeta.org](mailto:service@cbeta.org) 回報。
- 版權所有，歡迎自由流通，但禁止營利使用。

No. 1125

金剛頂瑜伽金剛薩埵五祕密修行念誦儀軌

開府儀同三司特進試鴻臚卿肅國公食邑三千戶賜紫贈司空諡大鑒正  
號大廣智大興善寺三藏沙門不空奉 詔譯

如金剛頂經百千頌十八會瑜伽演頓證如來內功德祕要。夫修行菩薩道證成無上菩提者，利益安樂一切有情以為妙道。一切有情沈沒流轉五趣三界，若不入五部五密曼荼羅、不受三種祕密加持，自有漏三業身能度無邊有情，無有是處。五趣有情三界所攝，所謂欲界、色界、無色界。色無色界修行出三界道，別解脫定慧以為增上緣，其上二界由定地所攝故。欲界無禪，是散善地，設有修定軌則，仍假藉頭陀苦行，依七方便。由根羸劣，無學緣覺果尚自難成，何況十地大普賢地及證成毘盧遮那三身普光地位。二乘之人雖證道果，不能於無邊有情為作利益安樂。於顯教修行者，久久經三大無數劫，然後證成無上菩提。於其中間十進九退，或至七地，以所集福德智慧迴向聲聞緣覺道果，仍不能證無上菩提。若依毘盧遮那佛自受用身所說內證自覺聖智法，及大普賢金剛薩埵他受用身智，則於現生遇逢曼荼羅阿闍梨，得入曼荼羅，為具足羯磨，以普賢三摩地引入金剛薩埵入其身中。由加持威神力故，於須臾頃當證無量三昧耶、無量陀羅尼門，以不思議法能變易弟子俱生我執法執種子，應時集得身中一大阿僧祇劫所集福德智慧，則為生在佛家，其人從一切如來心生、從佛口生、從佛法生、從法化生，得佛法財(法財謂三密菩提心教法)。纔見曼荼羅，能須臾頃淨信，以歡喜心瞻覩故，則於阿賴耶識中種金剛界種子，具受灌頂受職金剛名號，從此已後，受得廣大甚深不思議法，超越二乘十地。此大金剛薩埵五密瑜伽法門，於四時行住坐臥四儀之中無間作意修習，於見聞覺知境界，人法二執悉皆平等，現生證得初地，漸次昇進。由修五密，於涅槃生死不染不著，於無邊五趣生死廣作利樂，分身百億遊諸趣中成就有情，令證金剛薩埵位。瑜伽者在閑靜山林，或於精室或隨所樂之處，當禮四方如來，以身供養，誦本真言。由捨身故，則捨三業有漏之體，則成受三世無礙律儀戒。次於空中想一切諸佛菩薩眾會，然後右膝著地，結金剛起印，誦其真言。心當思惟，令一切如來不應貪現法樂住，唯願哀愍，不越本誓加持覆護。當對聖眾發露懺悔、隨喜、勸請，復發五種大願，則結金剛薩埵跏，謂以右脚押左。當結定印，誦無上正等菩提心。真言曰：

「唵(引)薩嚩(無可反)喻(引)誡唧多母答播(二合引)那野(引)弭」

由誦此真言故，一切如來令瑜伽者獲得不退轉，能摧一切魔冤，是人等同大菩薩及諸如來。瑜伽者作是思惟：「我應發金剛薩埵大勇猛心，一切有情具如來藏性，普賢菩薩遍一切有情故。我令一切眾生證得金剛薩埵位。」

又作是思惟：「一切有情金剛藏性，未來必獲金剛灌頂故。我令一切有情速得大菩薩灌頂地，證得虛空藏菩薩位。」

又作是思惟：「一切有情妙法藏性，能轉一切語言故。我令一切眾生得聞一切大乘修多羅藏，證得觀自在菩薩位。」

又作是思惟：「一切有情羯磨藏性，善能成辦一切事業故。我令一切眾生於諸如來所作廣大供養，證得毘首羯磨菩薩位。」

又作是思惟：「一切有情既具四種藏性，獲得四大菩薩之身。以我功德力、如來加持力及以法界力，願一切有情速證清淨毘盧遮那身。」誦真言曰：

「唵(引)薩嚩(無可反)(一) 怛他(去引)誡多商斯跢薩嚩(入)薩怛嚩(二合)南(引)薩嚩悉駄藥三(去)波爾演(二合)怛他(去引)槃怛捨者(二合)地底(丁以反)瑟姹(二合)擔」

即結金剛合掌印。

二手掌，合十指相交右押左。誦真言曰：

「唵(引)嚩惹爛(二合引)惹理」

由結此印故，十波羅蜜圓滿，成就福德、智慧二種資糧。

次結金剛縛印。准前金剛合掌，便外相又作拳，誦真言曰：

「唵嚩(入)惹囉(二合)滿駄」

由結此印，即成金剛解脫智。次結金剛縛，三拍自心，誦真言曰：

「唵(引)嚩(入)惹囉(二合)滿駄怛囉(二合)吒」

由結此印故，能摧身心所覆蔽十種煩惱，則召一切印處在身心，隨順行者成辦眾事。一切印者，所謂大智印、三昧耶智印、法智印、羯磨智印。次結金剛阿尾舍印。二羽金剛縛，屈禪智各置戒方間，誦真言曰：

「唵嚩惹囉(二合引)吠(無閉反)奢惡」

由結此印，令四智印發揮，有大威力，速得成就。次結金剛拳三昧耶印。准前印，屈進力捻禪智背，誦真言曰：

「唵嚩(入)惹囉(二合)母瑟置(二合)鑠(無感反)」

由結此印，能縛堅固一切印(一切印者是四印也)，常於行者身心之中而不散失。次結三昧耶印。二手金剛縛，合豎二中指安於當心，誦真言曰：

「三(去)每耶薩怛鑠(無感反三合)」

結契誦真言已，於背後想有月輪以為圓光，身處其中，想金剛薩埵。

由結此印及誦真言故，大智印等一切部中所結一切印、一切如來身口意金剛印，功不虛棄無敢違越。若誦一千遍，結一切印皆得成就。次結大三昧耶真實印。二羽金剛縛，忍願入掌相交合，檀慧禪智面相合，如獨股金剛杵，以忍願觸於心上，誦真言曰：

「三(去)每耶解(引)素羅多薩怛鏘(三合，同上)」

由結此印觸心故，金剛薩埵遍入身心，速與成就，意欲希望諸願皆得。次結金剛薩埵大智印。即解次前印，二羽各作金剛拳，左手置於胯，右手調擲金剛杵勢，置於心上，右脚押左，誦真言曰：

「嚩惹囉(二合)薩怛舞(二合引)憾」

誦已想自身為金剛薩埵，處大月輪，坐大蓮華，五佛寶冠，容貌熙怡，身如月色，內外明徹。生大悲愍，拔濟無盡無餘眾生界，令得金剛薩埵身，三密齊運量同虛空。

由持瑜伽大智印相應故，設若越法、具造重罪并作諸障，持彼大智印故，一切如來供養恭敬。若有人禮拜供養尊重讚歎者，則同見一切如來及金剛薩埵。當住此大智印，則於身前想金剛薩埵智身如自身，觀以四印圍遶，同一月輪、同一蓮華，各住本威儀，執持標記，各戴五佛寶冠。瑜伽者專注身前金剛薩埵，心不散動，即誦真言曰：

「嚩惹囉(二合)薩怛嚩(二合)惡」

由誦此真言故，金剛薩埵當阿尾舍顯現。次誦真言曰：

「嚩惹囉(二合)薩怛嚩(二合)捺哩(二合)奢」

由誦此真言故，令定中見金剛薩埵了了分明，即誦四字明曰：

「惹吽(引)鏘斛」

由誦此真言故，金剛薩埵智身令召令人令嚩令喜，與瑜伽者定身交合一體。

次結素囉多印。二羽金剛縛，右大指入左虎口中，乃於心額喉頂四處加持，各誦真言一遍：

「素囉多薩怛鏘(三合)」

由此印加持故，四波羅蜜身各住本位，常恒護持。

次結五佛寶冠印。

二羽金剛縛，忍願並豎合，屈上節如劍形，進力附著忍願背。以印置於頂上、次置髮際、次置頂右、次置頂後、次置頂左，各誦真言一遍。真言曰：

「唵(引)薩嚩怛他(去引)槃多囉怛曩(二合引)阿毘灑迦惡(入引)」

由結此印故，獲得一切如來金剛薩埵灌頂位。次結金剛鬘印。二羽金剛拳，額前相繞結，二羽分，腦後又結，便從檀慧徐徐開，如垂冠繒帛，誦真言曰：

「唵縛惹囉(二合)麼(引)擺(引)阿毘誥者[牟\*含]鏘」

即結甲冑印，遍身擐甲。次結歡喜印。二羽平掌拍，令歡喜，誦真言曰：

「嚩惹囉(二合)睹瑟耶(二合)斛(引)」

次結前金剛薩埵大智印，誦根本真言曰：

「唵摩賀(引)素佉嚩惹囉(二合)薩怛嚩(二合)惹(入)吽鑿斛(引)鑿斛素刺多薩怛鑿(三合)」

次應結四祕密羯磨印，即誦金剛歌讚。此讚四句，每結一印當誦一句。讚曰：

「薩嚩弩囉(引)誑素佉娑怛麼(二合)曩薩怛鑿(三合)(一) 嚩日囉(二合)薩怛縛(二合)鉢囉(二合)莫素囉答(奴合反)娑嚩冥(二) 摩賀(引)素佉涅哩(二合)住掣野諾(三) 鉢囉(二合)底跛[亭\*也]悉地也(二合)擺鉢曩多(四)(入)」

次作欲金剛印。二羽金剛拳，左羽想執弓，右羽持箭如射勢，即成此尊印身。稱真言曰：

「薩嚩(引)弩囉誑素佉薩怛摩(二合)曩娑」

次結計里計羅印。准前印，二拳交抱於胸，即成此尊印身。誦真言曰：

「薩怛鑿(二合)嚩日囉(二合)薩怛嚩(二合)跛囉莫素囉多(入)」

次結愛金剛印。准前二金剛拳，左拳承右肘，豎右臂如幢勢，即成此尊印身。誦真言曰：

「薩嚩冥摩訶(引)素佉涅哩(二合)住掣野諾」

次結金剛慢印。二金剛拳各安胯，以頭向左小傾如禮勢，即成此尊印身。誦真言曰：

「鉢囉(二合)底跛[亭\*夜]悉地也(二合)左擺虞鉢囉(二合)曩多(入)」

次結五祕密三昧耶印，即結金剛薩埵三昧耶印。作金剛縛，屈忍願入掌相合如前，禪智檀慧各相拄如獨股金剛杵。誦真言曰：

「素喇多薩怛鑿」

由結此印誦真言故，神通、壽命、威力、相好等同金剛薩埵。

次結欲金剛三昧耶印。准前印，屈進力上節甲背相合，以禪智並押其上，誦真言曰：

「惹(入)嚩惹囉(二合)捺哩(二合)瑟致(二合)娑(引)野計麼吒(去聲)」

由結此印故，能斷微細無明住地煩惱。即結計里計羅三昧耶印。准前印，右智押左禪相交，誦真言曰：

「吽(引)嚩(入)惹囉(二合)計理(引)捩犁吽(引)」

由結此印故，能拔濟護持一切受苦眾生界，皆獲大安樂三摩地。

次結愛金剛三昧耶印。准前印，進力互相握忍願，進力並合如眼勢，豎戒方相合，檀慧亦然，誦真言曰：

「鑿嚩(入)惹哩(二合)拈(輕)娑麼(二合)囉喇吒」

由結此印故，獲得大悲解脫，憐愍一切有情猶如一子，皆起拔濟安樂之心。

次結金剛慢三昧耶印。用次准前，觸其二股，先右次左，誦真言曰：

「斛嚩惹囉(二合)迦(去引)迷濕拂(二合)哩怛嚩(二合引)」

由結此印故，獲得大精進波羅蜜，剎那能於無邊世界一切如來所作廣大供養。

次住金剛薩埵三昧耶，誦印大乘現證百字真言曰：

「唵嚩日囉(二合)薩怛嚩(二合)三麼耶麼弩播(引)擺野嚩日囉(二合)薩怛嚩(二合)底尾(二合)弩跛底瑟姪(二合)涅哩(二合)住弭婆嚩素覩史喻(二合)冥婆嚩阿弩囉訖覩(二合)冥婆嚩素補史喻(二合)冥婆嚩薩嚩悉朕冥鉢囉(二合)也嗟薩嚩迦麼素左冥質多室利(二合)藥句嚕吽呵呵呵呵斛婆誑梵薩嚩怛他(引)孽多嚩日囉(二合)麼彌悶左嚩日哩(二合)婆縛摩訶(引)三摩耶薩怛嚩(二合)惡」

即入金剛薩埵三摩地，并結大智印，誦大乘現證金剛薩埵真言曰：

「嚩惹囉(二合)薩怛嚩(二合)」

或住大智印，或持數珠無限念誦，勿令疲頓。由住三摩地誦此真言故，現世證得無量三摩地，亦能成本尊之身，一切如來現前，證得五神通，遊歷十方一切世界，廣作無邊有情利益安樂等事。瑜伽者行住坐臥，常以四眷屬而自圍遶，處大蓮華，同一月輪。金剛薩埵者是普賢菩薩，即一切如來長子，是一切如來菩提心，是一切如來祖師，是故一切如來禮敬金剛薩埵。如經所說：

「金剛薩埵三摩地，名為一切諸佛法，此法能成諸佛道，若離此更無有佛。」

欲金剛者，名為般若波羅蜜，能通達一切佛法無滯無礙，猶如金剛能出生諸佛。金剛計里計羅者，是虛空藏三摩地，與無邊眾生安樂，拯拔無邊眾生溺貧匱泥者，所求世出世間希願皆令滿足。愛金剛者，是多羅菩薩，住大悲解脫，愍念無邊受苦有情，常懷拔濟施與安樂。金剛慢者，是大精進波羅蜜，住無礙解脫，於無邊如來廣作佛事，及作眾生利益。欲金剛，持金剛弓箭，射阿賴耶識中一切有漏種子，成大圓鏡智。金剛計里計羅，抱金剛薩埵者，表淨第七識妄執第八識為我癡我見我慢我愛，成平等性智。

金剛薩埵住大智印者，從金剛界至金剛鈴菩薩，以三十七智成自受用、他受用果德身。愛金剛者，持摩竭幢，能淨意識緣慮於淨染有漏心，成妙觀察智。金剛慢者，以二金剛拳置胯，表淨五識質礙身，起大勤勇，盡無餘有情，皆頓令成佛。能淨五識身，成所作



智。欲金剛者，是慧眼，觀察於染淨分依他性，知一切法非有非無。金剛計里計羅者，以無染智觀察淨分依他，與果德位中圓成不即不異，知一切法與菩提涅槃不即不異。金剛薩埵者，是自性身，不生不滅量同虛空，則是遍法界身。愛金剛者，以大悲天眼觀見一切有情身中普賢體不增不減。金剛慢者，以清淨無礙肉眼觀一切有情處在異生位，雖塵勞覆弊，本性清淨；若與大精進相應，即得離垢清淨。金剛薩埵者是毘盧遮那佛身，欲金剛是金剛波羅蜜，計里計羅是寶波羅蜜，金剛愛是法波羅蜜，金剛慢是羯磨波羅蜜。金剛薩埵者即彼薄伽梵阿闍如來，欲金剛者即是金剛薩埵，計里計羅者即是金剛王，愛金剛者即是金剛愛，金剛慢者即是金剛善哉。金剛薩埵者即彼薄伽梵寶生如來，欲金剛者即是金剛寶，計里計羅者即是金剛日，愛金剛者即是金剛幢，金剛慢者即是金剛笑。金剛薩埵者即彼薄伽梵觀自在王如來，欲金剛者即是金剛法，計里計羅者即是金剛利，愛金剛者即是金剛因，金剛慢者即是金剛語。金剛薩埵者即是彼薄伽梵不空成就如來，欲金剛者即是金剛業，計里計羅者即是金剛護，愛金剛者即是金剛藥叉，金剛慢者即是金剛拳。內四供養者，即彼四眷屬。外四供養者，亦彼四眷屬。欲金剛以菩提心箭鉤召一切有情，安置佛道。計里計羅抱印，為大方便金剛乘，令證不染智。以愛金剛摩竭幢，為大悲金剛鎖，經無量劫處於生死，心不移易，度一切眾生以為其道。金剛慢者，以大精進為般若金剛鈴，警悟在無明窟宅隨眠有情。普賢曼荼羅不離五身，降三世曼荼羅即同金剛界，蓮華部遍調伏曼荼羅依此例之，寶部一切義成就亦同此說。

金剛薩埵五密即為如來部，是即金剛部，是即蓮華部，是即寶部。五身同一大蓮華者，為大悲解脫義。同一月輪圓光者，為大智義。是故菩薩由大智故不染生死，由大悲故不住涅槃。如經所說：「有三種薩埵，所謂愚薩埵、智薩埵、金剛薩埵。」以金剛薩埵簡其二種薩埵。修行得此金剛乘人，即名金剛薩埵。是故菩薩勝慧者，乃至盡生死，恒作眾生利，而不趣涅槃。以何等法能得如此？是故般若及方便，智度所加持，諸法及諸有，一切皆清淨。諸法及諸有，名為人法二執，是故欲等調世間，令得淨除故，有頂及惡趣，調伏盡諸有。由住虛空藏三摩地，於人法二執，皆悟平等清淨猶如蓮華。是故如蓮性清淨本潔，不為垢所染。諸慾性亦然，不染利群生。利群生者，作安樂利益事，居大自在位。是故大欲得清淨，大安樂富饒，三界得自在，能作堅固利益。堅固利益者，菩提心為因。因有二種：度無邊眾生為因，無上菩提為果。復次大悲為根，兼住大悲心，二乘境界風所不能動搖，皆由大方便。大方便者，三寶金剛以為增上緣，能證毘盧遮那清淨三身果位。

金剛頂瑜伽金剛薩埵五祕密修行念誦儀軌

---

## [CBETA 贊助資訊](https://www.cbeta.org/donation/index.php)

[.\(https://www.cbeta.org/donation/index.php\)](https://www.cbeta.org/donation/index.php)

CBETA 成立於 1998 年，於 2023 年 8 月 7 日轉型成為基金會。成立多年來，一部部佛典在嚴謹控管中轉換為數位典藏，不只數量龐大，而且文字校訂精確可信，又加新式標點方便閱讀。「CBETA 電子佛典集成」不僅獲得國際學界的重視及肯定，也成為大眾廣為運用的公共資源，如此成果都是在廣大信眾及有識之士的支持下才得以實現。

對一個從事佛法志業的非營利團隊，能夠長期埋首理想、踏實耕耘是非常不容易的。如今，CBETA 運作經費日漸拮据，但「佛典集成」仍有許多未竟之功。因此，懇請大家慷慨解囊、熱情贊助，讓未來有更多更好的電子佛典。

您的捐款本會皆會開立收據，此收據可在年度中申報個人或企業的綜合所得稅減免。感恩諸位大德的善心善行，以及您為佛典電子化所做的一切貢獻。

---

## 信用卡線上捐款

本線上捐款與 netiCRM 及 NewbPay 藍新金流合作，資料傳送採用 SSL (Secure Socket Layer) 傳輸加密，讓您能夠安全安心地進行線上捐款動作。

不管您持有的是國內或國外卡，所有捐款最終將以新台幣結算，所以我們所開立的捐款收據也將以新台幣計。

線上刷卡支持定期定額與單筆捐款。(銀聯卡不支援定期定額)

## [前往捐款](#)

---

### 劃撥捐款

郵政劃撥帳號：5 0 4 6 8 2 8 5

戶名：財團法人佛教電子佛典基金會

欲指定特殊用途者，請特別註明，我們會專款專用。

---

### 線上信用卡 / PayPal 捐款

PayPal 是一個跨國線上付款機制的公司，CBETA 引用其服務，提供網友能在線上使用信用卡或 PayPal 帳戶贊助 CBETA 。

PayPal is an online system of a global payment solution. CBETA uses its service to provide the uses to donate by using the credit cards or PayPal account to support the CBETA project .

相關收據開立事宜，由於付款幣別為美元，我們除了會依您所贊助之美元金額開立收據外，另我們會依捐款當日公告匯率開立台幣收據，此收據為國內正式合法報稅憑證。

Since the donation made is in US currency, hence all the receipts will be issued in the US dollars consequently. However for the domestic donators, a Chinese official receipt will also be made according to the foreign exchange rate for the purpose of tax deduction.

### [線上信用卡 / PayPal 贊助](#)

---

## 支票捐款

支票抬頭請填寫「財團法人佛教電子佛典基金會」。

For donations by check, please write the check to  
"Comprehensive Buddhist Electronic Text Archive  
Foundation".

---